

Goccius de Santa Barbara

*Santa martiri gloriosa
Paxi emori donasi
De is lampus liberasi
Barbara miraculosa.*

*Sinnada d'edadi minori
In Nicodemia zittadi
Nasciast cun santidadi
Destinu de su Signori
Dd'arriciasta cun amori
Cumentu tribuna sposa.
De is lampus liberasi
Barbara miraculosa.*

*E in giogu po sa manu
Crueli babbu ti poniat
Coiai beni ti boliat
Cun dd'un'arricu paganu
Ca no fiat issu cristianu
Dd'arrefuras coraggiosa.
De is lampus liberasi
Barbara miraculosa.*

*Dioscuro intrat in dannu
De su feli prus no biri
Ca sa filla est cun fidi
Dda inserrat cun ingannu
In sa turri cun afannu
Cun artivesa rigorosa.
De is lampus liberasi
Barbara miraculosa.*

*Sa vida terrena stuas
Po essi martirizzata
De paternu decapitada
Fidi santa no ddi cuas
De issu peccaus t'attuas
Ses de su celest'ermosa.
De is lampus liberasi
Barbara miraculosa.*

*Cun profunda fidi dinnia
De tempus glorificada
E po sempri laudada
In su mundu e in Sardinia
Ses venerada in Sinnia
O patrona decorosa.
De is lampus liberasi
Barbara miraculosa.*

*Lompia a s'urmmu fini
Martiri sezzis in tronu
De oru sa palma in donu
Regnas cun cristu domini
As perdonau s'omini
O virgini amuraosa.
De is lampus liberasi
Barbara miraculosa.*

*Infrissiu ses Dioscuro
Puniu de s'eternu lampu
Deus no ti donat scampu
Po su gravi attu impuru
Lassendiri in s'oscuro
Logu de penas furiosas.
De is lampus liberasi
Barbara miraculosa.*

*Cun devozioni ti pregaus
Preservasi o Regina
De temporalis e rovina
In turmentas ti supplicaus
Totus a tui s'invocaus
O raggianti luxi ermosa.
De is lampus liberasi
Barbara miraculosa.*

*T'implorant is minadoris
Geniu e artificieris
Ses mama de is pompieris
Marina e assaltadoris
Preservaddus de doloris
Sabia santa premurosa.
De is lampus liberasi
Barbara miraculosa.*